

## Aplikasi Ilmu di Universiti untuk Manfaat Masyarakat: Nurul Izzah Anwar

Terakhir dikemaskini: Jumaat, 07 September 2018 16:03 | [Cetak](#) | Jumlah paparan: 257

[Syorkan 0](#)[Kongsi](#)[Tweet](#)[Share](#)

JUMAAT, 07

SEPTEMBER - Peluang yang diberikan untuk melanjutkan pengajian di institusi pengajian tinggi (IPT) harus digunakan sebaiknya agar ilmu yang dipelajari dapat diaplikasikan dan disumbangkan kembali kepada masyarakat.

Pengerusi Jawatankuasa Pemerkasaan Pendidikan dan Latihan Teknikal dan Vokasional Malaysia (TVET), Nurul Izzah Anwar berkata, walaupun terpaksa berdepan pelbagai cabaran dan dugaan, para pelajar harus memastikan agar mereka mendapat keputusan yang cemerlang.

“Bila memperoleh keputusan cemerlang, saya percaya kita dapat berikan sesuatu kepada masyarakat dan dengan keputusan yang baik, kita akan memiliki keyakinan hidup yang tinggi,” ujarnya.

Beliau berkata demikian ketika menghadiri Program Bersama Siswa Siswi Baharu Fakulti Kemanusiaan Seni dan Warisan (FKSW) Universiti Malaysia Sabah (UMS) di Dewan Resital, kelmarin.

Menurut Nurul Izzah, para pelajar juga harus mengambil peluang mempelajari pelbagai bahasa, bukan hanya bahasa Inggeris, tetapi bahasa dan loghat tempatan.

“Kita boleh berbahasa Inggeris dengan baik, tapi kita harus menghargai setiap bahasa lain juga. Saya belajar (bahasa Cina dan Tamil) kerana inilah keistimewaan di Malaysia tanpa melupakan bahasa kebangsaan,” katanya.

Beliau turut mengingatkan para pelajar bahawa generasi alumni juga mempunyai tanggungjawab yang besar untuk menyumbang kembali kepada universiti.

“Sumbangan ini tidak semestinya dengan wang ringgit, tetapi sumbangan dari segi tenaga mengajar untuk berkhidmat kembali kepada universiti.

“Kita tidak dinilai dari segi kekayaan yang kita ada, tetapi kita dinilai sejauh mana kita sayang, peduli dan ikhlas untuk menyumbang kembali kepada masyarakat dan bangsa,” jelas Nurul Izzah.

Turut hadir, Ketua Pengarah Jabatan Pendidikan Politeknik dan Kolej Komuniti, Profesor Datuk Dr. Mohd. Ismail Abd Aziz; Naib Canselor UMS, Profesor Datuk Dr. D Kamarudin D Mudin serta Pegawai-pegawai Utama dan Kanan Universiti.